

COFNODION TACHWEDD 2007

DYDDIAD	Nos Fercher, 21ain Tachwedd, 2007
AMSER	7yh
LLEOLIAD	Cae'r Gors, RHOSGADFAN
PRESENNOL	Tom Ellis (Cad), Emrys Jones, Elwyn Jones, Jason Hunt, Elin Evans, Nerys Evans, Jane Eryl Jones, Gwilym L. Williams, Gwilym V. Thomas, Huw Williams, Meurig Williams, Neal Williams

1. **Ymddiheuriadau**
2. **Croeso**
3. **Datgan Buddiant**
GVT, NW, GLW – cais cynllunio Mountain Rangers
TE – llythyr Trystan Larsen
4. **Cadarnhau cofnodion**
Cadarnhawyd cofnodion mis Hydref fel rhai cywir.
5. **Materion i'w trafod:**
 - a) Angen trefnu fod y gangiau cymunedol yn dod i dorri'r eithin ac ati yn y pentrefi. Clerc wedi cysylltu ac wedi cael gwybod fod problemau ynglyn a thorri'r eithin, roeddynt wedi cael cwynion fod y ffosydd yn dyfn a'u bod yn beryglus ar ôl clirio'r eithin y tro diwethaf. Clerc i gysylltu eto i ofyn wrthynt wneud y gwaith gan fod y ffosydd yn llenwi a chreu problemau yn y ffyrdd.
 - b) MW – angen pwysu eto fod chwe toriad gwrychoedd yn digwydd yn flynyddol.
 - c) Cwynion eto ynglyn â pobl yn parcio o flaen y gysgodfan fysiau yn Penyffridd. Clerc i gysylltu efo'r wardeiniaid a'r heddlu.
 - d) EIJ – angen gofyn wrth gwmni Rheilffordd Eryri dorri'r gwrychoedd ger Dolellog ac ar y bont ger Wernlas Ddu – clerc eisoes wedi sgwennu i ofyn wrth y cwmni wneud y gwaith, angen cadw llygad ar y sefyllfa.
 - e) Cynllun Uwchgwyrfai – gwaith wedi cychwyn & ymateb gan y Cynulliad. Angen anfon llythyr at Gyngor Cymuned Llandwrog er mwyn iddyn nhw a ninnau bwysu ar Cymad i orffen y gwaith mor fuan â phosib. Angen gofyn wrth Gyngor Gwynedd os mai nhw sy'n gyfrifol am y giatiau bellach.
 - f) Mater o'r cyfarfod diwethaf - gweinyddiaeth Mynwent Hermon - cafwyd gwybodaeth gan Un Llais Cymru yn nodi nad oes rheidrwydd ar Gyngor Cymuned i ofalu am fynwentydd. Aelodau yn penderfynu felly i beidio cymryd y cyfrifoldeb. Cafwyd llythyr hefyd yn cwyno am y sefyllfa bresennol gan Mr. Ian Rowland Spice. Angen anfon nodyn yn cydnabod derbyn y llythyr a danfon copi at yr ysgrifennydd.

Cyngor Cymuned Llanwnda

- g) *Filter lane* Ffrwd Cae Du – ymateb gan y Cynulliad. Nodi nad oes bwriad i wneud y gwaith yma, gan fod cynlluniau ar y gweill ar gyfer ffordd osgoi.
- h) Materion diogelwch Rhostryfan – Mel Fôn wedi gofyn am awgrymiadau ar leoliadau'r cerbyd Arrive Alive – clerc wedi anfon rhestr.
- i) Lês Lein Bryngwyn – clerc i geisio cael diweddariad gan Wyn Williams, Cyngor Gwynedd.
- j) Copi o lythyr anfonwyd at Dewi Tomos ynglyn a safle cofeb Kate Roberts gan Steffan Jones, yn nodi fod y garregfaen bellach yn Inigo Jones ac y bydd yn cael ei gosod mewn safle diogel oddi ar y ffordd ger Lôn Wen.
- k) Parcio ger 3&4 Bro Wyled – ymateb gan Richard W. Roberts, Rheolwr Datblygu Eiddo, Cyngor Gwynedd, yn nodi nad ydy'n fwriad gennynt greu llefydd parcio gan na fyddai'n fanteisiol i'w tenantiaid hwy. Awgrymant y dylai llefydd parcio gael eu creu ger rhif 7, ond gwrthodwyd hyn gan yr aelodau gan na fyddai'n goresgyn y broblem bresennol sy'n bodoli yng ngwaelod y ffordd. Clerc i ofyn i gael cyfarfod safle i drafod ymhellach.
- l) Derbyniwyd llythyr o gwyn gan Mr. Trystan Larsen, Pennaeth Ysgol Rhostryfan, ynglyn a gwartheg sy'n pori ar Lein Bryngwyn. Rhoddwyd gwybod i'r perchennog am y broblem, ac mae wedi gaddo rhoi cloeon ar y giatiau er mwyn cadw'r gwartheg oddi ar y lein yn y dyfodol. Roedd am bwysleisio nad oedd y gwartheg wedi'u rhoi yno'n fwriadol.
- m) Ymateb gan Meirion Williams, Peirannydd Ardal Arfon yn dilyn cais i edrych ar broblemau dwr wyneb sydd ar y ffyrdd, gordyfiant coed a Polyn BT yn Rhos Isaf. Problemau dwr – wedi archwilio'r problemau yma eisoes ac wedi methu darganfod tarddiad y dwr. Peth gwaith wedi'i drefnu i agor sianelau ger Maen Brith a Penyceunant, ac maent wedi'n sicrhau y bydd graeanu cyson yn digwydd yn ystod y gaeaf. Gordyfiant coed – nid ydynt yn teimlo fod hyn yn creu gormod o broblemau, angen cadw golwg ar y sefyllfa. Polyn BT – nodi fod y polyn wedi'i osod ers rhai blynnyddoedd ac maent am ofyn wrth yr Uned Draffig ymweld â'r safle. Clerc i atgoffa BT unwaith eto.
- n) Cynllun Gwella Hawliau Tramwy – mabwysiadwyd y cynllun ar Hydref 23ain gan Gyngor Gwynedd.
- o) Gwasanaeth Cynnal Gofalwyr – adroddiad blynyddol.

6. **Derbyn Adroddiadau:**

7. **Is-bwyllgorau:**

Cyngor Cymuned Llanwnda

8.	Materion Ariannol	
	Cyfri Cadw:	20,916.21
	Cyfri Siec:	2,670.50
	CYFANSWM	
	Cyflog/costau cler – mis Tachwedd (& ad-daliad codiad cyflog o fis Ebrill yn unol a graddfeydd Un Llais Cymru – codi o £8.38 i £8.60 yr awr)	456.63
	Cyllid y Wlad	111.12
	Hacker Young – archwilwyr allanol	158.63
	John Dryhurst Roberts – archwilydd mewnol	63.00
	Neuadd Llanwnda	6.00
	 Ceisiadau am nawdd: Eisteddfod yr Urdd, Lleu, Cymdeithas y Byddar a Theatr Bara Caws – i’w hystyried mis Mawrth Ambiwlans Awyr – wedi derbyn gair o ddiolch.	
		22,791.33
	GWEDDILL	
	Materion Cynllunio	
	CO7A/0696/24/YA – Tyddyn Bychan, Dinas – codi sied amaethyddol – eisoes wedi cael caniatâd ymlaen llaw gan Gyngor Gwyned – angen eglurhâd o hyn. Hefyd angen esbonio sut ceir hawl i sied amaethyddol os na chedwir anifeiliaid ynddi?	
	CO7A/0783/24/YA – Ty Newydd, Rhos Isaf – codi sied amaethyddol newydd – aelodau’n teimlo fod y sied yn rhy fawr ac nad ydy’n gweddu gan fod edrychiad ‘commercial’ yn hytrach nag amaethyddol ar y cynllun.	
	 Dim gwrthwynebiad i’r canlynol: CO7A/0746/24/LL – Clwb Mountain Rangers, Rhosgadfan – gosod container i wneud ystafelloedd newid	
	CO7A/0791/24/LL – Glanrhyd Isaf, Llanwnda – creu mynedfa gerbydol	

Cyngor Cymuned Llanwnda

Eisoes wedi'u caniatáu:

Tan yr Ardd, Rhostryfan – estyniad

Trem Arfon, Rhosgadfan – codi tri 3

CO7A/0678/24/HY – mynedfa Ty Hen, Llanwnda – gosod arwydd newydd

CO7A/0739/24/CC – Hen Efail, Bontnewydd – torri sycamor

CO7A/0711/24/LL – tir ger Tai Gwel y Don, Llanwnda – adeiladu ty newydd

CO7A/0700/24/CC – tir ger Wernas, Rhos Isaf - gwaith i goeden a warchodir gan orchymyn diogelu coed

CO7A/0479/24/CR – Cefn 'Rhengwrt, Llandwrog - rendro tair simdde

CO7A/0658/24/LL – Trem Arfon, Rhosgadfan – trosi, addasu ac ymestyn ty i ffurfio 3 ty a manau parcio

Gohebiaeth:

- a) Cyngor Iechyd Cymuned – cynnig ar gyfer ymgynghoriad pellach – dyfodol gwasanaethau llawfeddygaeth y fron yn Ysbyty Llandudno - holiadur
- b) Bwrdd Iechyd Lleol – strategaeth Cyflawni'r Weledigaeth Gyda'n Gilydd
- c) Cyngor Gwynedd – Cynllun Gwella Gwynedd 2007 - adroddiad ar weithgareddau Cyngor Gwynedd dros y flwyddyn a'r prif faterion fydd yn cael sylw dros y flwyddyn nesaf.
- d) Un Llais Cymru – bwletin Arfon/Dwyfor
- e) Cylchgronnau
- f) Llythyr gan Dewi Tomos ar ran Bwrdd Rheoli Canolfan Kate Roberts yn diolch i'r cyngor cymuned am ddwyn perswâd ar Gyngor Gwynedd i glirio safle'r gofeb ar Lôn Wen. Sôn hefyd eu bod yn chwilio am nawdd ar gyfer pecyn dehongli fydd yn cynnwys ail osod y lechen a gosod byrddau dehongli ychwanegol.
- g) Cais am nawdd gan Ian Rowland Spice, Ysgrifennydd Clwb Pêl Droed Rhosgadfan (clwb newydd ar gyfer plant o dan 15 oed). Clwb sydd wedi cael ei ffurfio ym mis Hydref eleni. Gan mai ond ddwywaith y flwyddyn y bydd Cyngor Llanwnda yn trafod nawdd, sef mis Hydref a mis Mawrth, bydd y cais hwn yn cael ei ystyried ym mis Mawrth.
- h) Cafwyd copi o gylchlythyr cyntaf 'Law yn Law' – cynllun partneriaeth iechyd sy'n ceisio barn y cyhoedd a chleifion o'r gwasanaeth sydd ar gael. Nododd JEJ fod y cynllun yn dda iawn ac mae'n rhagweld y bydd cyfle i bawb gydweithio'n effeithiol iawn. Ceir mwy o fanylion ar www.gogleddorllewincymru.org

Cyngor Cymuned Llanwnda

9. **Materion i'w trafod yn y cyfarfod nesaf:**
- a) GLW – wedi cael cwyn ynglyn a gordyfiant coed mewn gardd – nodwyd mai mater preifat ydy hyn rhwng y ddau berchennog ac felly ni all y Cyngor weithredu.
 - b) GLW – ffosydd heibio Isfryn yn llawn o gerrig o'r waliau yn dilyn gwaith torri gwrychoedd
 - c) Nododd NW fod cais wedi dod i gyfrannu torch flodau tuag at wasanaeth coffa oedd wedi'i drefnu yn y Clwb yn Rhosagdfan ar Sul y Cofio. Penderfynodd y Clerc a'r Cadeirydd fod hyn yn dderbyniol.

Daeth y cyfarfod i ben am 8.45p.m.